

קודם הלימוד יאמר: הנני רוצה ללמוד, פדי שיביאני התלמוד הזה לידי מעשה, ולידי מדות ישרות, ולידי ידיעת התורה. ואני מאמין באמונה שלמה ואמתית, שכל הטעמים והנקודות והתגין והאותיות שבתורתנו הקדושה, אף בספורי התורה, בהם תלויים עולמות עליונים קדושים ונעלמים לאין קץ ומספר ותכלית. והריני עושה לשם יחוד קודשא בריך הוא ושכינתיה בשם יהו"ה ובשם ארנ"י מתיחדים יאהרונה"י על ידי הנעלם בדחילו ורחימו ביחודא שלים בשם כל ישראל. ויהי נעם אדני אלהינו עלינו ומעשה ידינו פוננה עלינו ומעשה ידינו פוננהו.

## ספר "מלכים א" – פרק ז

א וְאֶת־בֵּיתוֹ בָּנָה שְׁלֹמֹה שְׁלֹשׁ עֶשְׂרֵה שָׁנָה וַיְכַל  
אֶת־כָּל־בֵּיתוֹ: ב וַיִּבֶן אֶת־בַּיִת ׀ יַעַר הַלְּבָנוֹן מֵאָה אֲמָה  
אָרְכוֹ וְחֲמִשִּׁים אֲמָה רָחְבוֹ וּשְׁלֹשִׁים אֲמָה קוֹמָתוֹ עַל אַרְבַּעַה  
טוּרֵי עַמּוּדֵי אַרְזִים וּכְרָתוֹת אַרְזִים עַל־הָעַמּוּדִים: ג וּסְפֵן  
בְּאֶרֶז מִמַּעַל עַל־הַצֵּלָעַת אֲשֶׁר עַל־הָעַמּוּדִים אַרְבַּעִים  
וְחֲמִשָּׁה חֲמִשָּׁה עֶשֶׂר הַטּוֹר: ד וּשְׁקָפִים שְׁלֹשָׁה טוּרִים וּמַחְזָה  
אֶל־מַחְזָה שְׁלֹשׁ פְּעָמִים: ה וְכָל־הַפְּתָחִים וְהַמְּזוּזוֹת רַבְעִים  
שְׁקָף וּמוֹל מַחְזָה אֶל־מַחְזָה שְׁלֹשׁ פְּעָמִים: ו וְאֵת אוֹלָם  
הָעַמּוּדִים עָשָׂה חֲמִשִּׁים אֲמָה אָרְכוֹ וּשְׁלֹשִׁים אֲמָה רָחְבוֹ  
וְאוֹלָם עַל־פְּנֵיהֶם וְעַמּוּדִים וְעַב עַל־פְּנֵיהֶם: ז וְאוֹלָם הַכֶּסֶּא  
אֲשֶׁר יִשְׁפֹּט־שָׁם אֵלֶם הַמִּשְׁפָּט עָשָׂה וּסְפוֹן בְּאֶרֶז מִהַקְּרָקַע  
עַד־הַקְּרָקַע: ח וּבֵיתוֹ אֲשֶׁר־יֵשֵׁב שָׁם חָצַר הָאַחֲרַת מִבֵּית

לְאוֹלָם כַּמַּעֲשֵׂה הַזֶּה הָיָה וּבֵית יַעֲשֵׂה לְבַת־פַּרְעֹה אֲשֶׁר לָקַח  
שְׁלֹמֹה כְּאוֹלָם הַזֶּה: ט כָּל־אֵלֶּה אַבְנֵים יִקָּרֹת כְּמִדּוֹת גְּזִית  
מִגְרָרוֹת בַּמַּגֵּרָה מִבַּיִת וּמִחוּץ וּמִמַּסָּד עַד־הַטְּפָחוֹת וּמִחוּץ  
עַד־הַחֲצֵר הַגְּדוֹלָה: י וּמִיֶּסֶד אַבְנֵים יִקָּרֹת אַבְנֵים גְּדֹלוֹת  
אַבְנֵי עֵשָׂר אַמּוֹת וְאַבְנֵי שְׁמֹנֶה אַמּוֹת: יא וּמִלְמַעְלָה אַבְנֵים  
יִקָּרֹת כְּמִדּוֹת גְּזִית וְאַרְזֵי: יב וְחֲצֵר הַגְּדוֹלָה סָבִיב שְׁלֹשָׁה  
טוֹרִים גְּזִית וְטוֹר כְּרֵתֶת אַרְזִים וְלַחֲצֵר בֵּית־יְהוָה הַפְּנִימִית  
וְלְאֵלֶם הַבַּיִת: יג וַיִּשְׁלַח הַמֶּלֶךְ שְׁלֹמֹה וַיִּקַּח אֶת־חִירָם מִצֹּר:  
יד בֶּן־אִשָּׁה אַלְמָנָה הוּא מִמִּטָּה נִפְתָּלִי וְאַבִּיו אִישׁ־צֹרִי חֹרֵשׁ  
נְחֹשֶׁת וַיִּמְלֵא אֶת־הַחֲכָמָה וְאֶת־הַתְּבוּנָה וְאֶת־הַדַּעַת לַעֲשׂוֹת  
כָּל־מְלָאכָה בְּנְחֹשֶׁת וַיָּבֹא אֶל־הַמֶּלֶךְ שְׁלֹמֹה וַיַּעַשׂ  
אֶת־כָּל־מְלָאכָתּוֹ: טו וַיִּצַּר אֶת־שְׁנֵי הָעַמּוּדִים נְחֹשֶׁת שְׁמֹנֶה  
עֶשְׂרֵה אַמָּה קוֹמַת הָעַמּוּד הָאֶחָד וְחוּט שְׁתֵּים־עֶשְׂרֵה אַמָּה  
יִסֹּב אֶת־הָעַמּוּד הַשֵּׁנִי: טז וְשֵׁתִי כִתְרַת עָשָׂה לָתֵת עַל־רֹאשֵׁי  
הָעַמּוּדִים מִצַּק נְחֹשֶׁת חֲמִשׁ אַמּוֹת קוֹמַת הַכְּתָרֶת הָאֶחָת  
וְחֲמִשׁ אַמּוֹת קוֹמַת הַכְּתָרֶת הַשֵּׁנִית: יז שְׁבָכִים מַעֲשֵׂה שְׁבָכָה  
גְּדֹלִים מַעֲשֵׂה שְׂרָשְׁרוֹת לְכְתָרֶת אֲשֶׁר עַל־רֹאשׁ הָעַמּוּדִים  
שְׁבָעָה לְכְתָרֶת הָאֶחָת וְשְׁבָעָה לְכְתָרֶת הַשֵּׁנִית: יח וַיַּעַשׂ

אֶת־הַעֲמוּדִים וְשְׁנֵי טוֹרִים סָבִיב עַל־הַשְּׁבָכָה הָאֶחָת לְכִסּוֹת  
אֶת־הַכְּתָרֶת אֲשֶׁר עַל־רֹאשׁ הַרְמוֹנִים וְכֵן עָשָׂה לְכַתְּרֵת  
הַשְּׁנִייתָ: יט וְכַתְּרֵת אֲשֶׁר עַל־רֹאשׁ הַעֲמוּדִים מַעֲשֵׂה שׁוֹשַׁן  
בְּאוֹלָם אַרְבַּע אַמּוֹת: כ וְכַתְּרֵת עַל־שְׁנֵי הַעֲמוּדִים גַּם־מִמַּעַל  
מִלְעֵמֶת הַבֶּטֶן אֲשֶׁר לְעַבְי שְׁבָכָה הַשְּׁבָכָה וְהַרְמוֹנִים מֵאֲתֵימ  
טוֹרִים סָבִיב עַל הַכְּתָרֶת הַשְּׁנִייתָ: כא וַיִּקְּם אֶת־הַעֲמֻדִים  
לְאֵלֶם הַהֵיכָל וַיִּקְּם אֶת־הַעֲמוּד הַיְמָנִי וַיִּקְרָא אֶת־שְׁמוֹ יַכִּין  
וַיִּקְּם אֶת־הַעֲמוּד הַשְּׂמָאלִי וַיִּקְרָא אֶת־שְׁמוֹ בַעֲזוֹ: כב וְעַל  
רֹאשׁ הַעֲמוּדִים מַעֲשֵׂה שׁוֹשַׁן וְתַתָּם מְלֶאכֶת הַעֲמוּדִים:  
כג וַיַּעַשׂ אֶת־הַיָּם מוֹצֵק עֶשֶׂר בָּאֲמָה מִשְׁפָּתוֹ עַד־שְׁפָתוֹ עָגֹל  
ו סָבִיב וְחָמֵשׁ בָּאֲמָה קוֹמָתוֹ וְקוֹה וְקוֹ שְׁלֹשִׁים בָּאֲמָה יִסֹּב  
אֹתוֹ סָבִיב: כד וּפְקָעִים מִתַּחַת לְשְׁפָתוֹ ו סָבִיב סָבִיב אֹתוֹ  
עֶשֶׂר בָּאֲמָה מִקְפִּים אֶת־הַיָּם סָבִיב שְׁנֵי טוֹרִים הַפְּקָעִים  
יִצְקִים בִּיצְקָתוֹ: כה עֹמֵד עַל־שְׁנֵי עֶשֶׂר בְּקָר שְׁלֹשָׁה פָּנִים ו  
צְפוּנָה וְשְׁלֹשָׁה פָּנִים יָמָה וְשְׁלֹשָׁה ו פָּנִים נֶגְבָּה וְשְׁלֹשָׁה  
פָּנִים מְזֻרְחָה וְהַיָּם עֲלֵיהֶם מִלְמַעְלָה וְכָל־אַחֲרֵיהֶם בֵּיתָה:  
כו וְעַבְיוֹ טַפַּח וְשְׁפָתוֹ כְּמַעֲשֵׂה שְׁפַת־כּוֹס פָּרַח שׁוֹשַׁן אֶלְפִים  
בֵּית יָכִיל: כז וַיַּעַשׂ אֶת־הַמְּכֻנּוֹת עֶשֶׂר נְחֹשֶׁת אַרְבַּע בָּאֲמָה

אָרְךְ הַמְּכֹנֶה הָאֶחָת וְאַרְבַּע בָּאִמָּה רַחֲבָה וְשִׁלֵּשׁ בָּאִמָּה  
קוֹמָתָהּ: כח וְזֶה מַעֲשֵׂה הַמְּכֹנֶה מִסְגֵּרֹת לָהֶם וּמִסְגֵּרֹת בֵּין  
הַשְּׁלֵבִים: כט וְעַל־הַמְּסֻגְרוֹת אֲשֶׁר ׀ בֵּין הַשְּׁלֵבִים אֲרִיּוֹת ׀  
בָּקָר וְכְרוֹבִים וְעַל־הַשְּׁלֵבִים כֵּן מִמַּעַל וּמִתַּחַת לְאֲרִיּוֹת  
וְלַבָּקָר לִיּוֹת מַעֲשֵׂה מוֹרָד: ל וְאַרְבָּעָה אוֹפְנֵי נְחֹשֶׁת לַמְּכֹנֶה  
הָאֶחָת וְסֻרְנֵי נְחֹשֶׁת וְאַרְבָּעָה פַּעֲמֹתָיו כְּתִפֹּת לָהֶם מִתַּחַת  
לְכִיר הַכְּתִפֹּת יִצְקוֹת מֵעֶבֶר אִישׁ לִיּוֹת: לא וּפִיהוּ מִבֵּית  
לְכַתְּרֹת וּמַעְלָה בָּאִמָּה וּפִיָּה עָגֹל מַעֲשֵׂה־כֵן אִמָּה וַחֲצִי  
הָאִמָּה וְגַם־עַל־פִּיָּה מְקַלְעוֹת וּמִסְגֵּרֹתֵיהֶם מְרַבְּעוֹת  
לְא־עֲגֻלוֹת: לב וְאַרְבַּעַת הָאוֹפְנִים לְמִתַּחַת לַמְּסֻגְרוֹת וִידוֹת  
הָאוֹפְנִים בַּמְּכֹנֶה וְקוֹמַת הָאוֹפֵן הָאֶחָד אִמָּה וַחֲצִי הָאִמָּה:  
לג וּמַעֲשֵׂה הָאוֹפְנִים כְּמַעֲשֵׂה אוֹפֵן הַמְּרַכָּבָה יְדוֹתָם וְגִבֵּיהֶם  
וַחֲשִׁקֵיהֶם וַחֲשִׁרֵיהֶם הַכֹּל מוֹצָק: לד וְאַרְבַּע כְּתִפּוֹת אֶל  
אַרְבַּע פְּנוֹת הַמְּכֹנֶה הָאֶחָת מִן־הַמְּכֹנֶה כְּתִפִּיָּה: לה וּבְרֹאשׁ  
הַמְּכֹנֶה חֲצִי הָאִמָּה קוֹמָה עָגֹל סְבִיב וְעַל רֹאשׁ הַמְּכֹנֶה  
יְדוֹתֶיהָ וּמִסְגֵּרֹתֶיהָ מִמְּנָה: לו וַיִּפְתַּח עַל־הַלְּחָת יְדוֹתֶיהָ וְעַל  
וּמִסְגֵּרֹתֶיהָ מִסְגֵּרֹתֶיהָ כְּרוֹבִים אֲרִיּוֹת וְתַמְרוֹת כְּמַעַר־אִישׁ וְלִיּוֹת  
סְבִיב: לז כִּזְאת עָשָׂה אֵת עֶשֶׂר הַמְּכֹנֹת מוֹצָק אֶחָד מִדָּה

אחת קצב אחד לְכֹל־הֵנָּה: <sup>לח</sup> וַיַּעַשׂ עֲשָׂרָה כִּירוֹת נְחֹשֶׁת  
אַרְבָּעִים בַּת יָכִיל וְהַכִּיּוֹר הָאֶחָד אַרְבַּע בְּאֵמָה הַכִּיּוֹר הָאֶחָד  
כִּיּוֹר אֶחָד עַל־הַמְּכֹנָה הָאֶחָת לְעֹשֶׂר הַמְּכֹנֹת: <sup>לט</sup> וַיִּתֵּן  
אֶת־הַמְּכֹנֹת חָמֵשׁ עַל־כֶּתֶף הַבַּיִת מִיְמִין וְחָמֵשׁ עַל־כֶּתֶף  
הַבַּיִת מִשְּׂמָאלוֹ וְאֶת־הַיָּם נָתַן מִכֶּתֶף הַבַּיִת הַיְמָנִית קִדְמָה  
מִמּוֹל נֶגֶב: <sup>מ</sup> וַיַּעַשׂ חִירוֹם אֶת־הַכִּירוֹת וְאֶת־הַיַּעֲיָעִים  
וְאֶת־הַמְּזֻרְקוֹת וַיְכַל חִירָם לַעֲשׂוֹת אֶת־כָּל־הַמְּלָאכָה אֲשֶׁר  
עָשָׂה לַמֶּלֶךְ שְׁלֹמֹה בֵּית יְהוָה: <sup>מא</sup> עֲמֻדִים שְׁנַיִם וְגֵלַת  
הַכֶּתֶרֶת אֲשֶׁר־עַל־רֹאשׁ הָעֲמֻדִים שְׁתֵּי וְהַשְּׁבָכוֹת שְׁתֵּי  
לְכַסּוֹת אֶת־שְׁתֵּי גֵלַת הַכֶּתֶרֶת אֲשֶׁר עַל־רֹאשׁ הָעֲמֻדִים:  
<sup>מב</sup> וְאֶת־הַרְמָנִים אַרְבַּע מֵאוֹת לְשְׁתֵּי הַשְּׁבָכוֹת שְׁנֵי־טוּרִים  
רְמָנִים לְשִׁבְכָה הָאֶחָת לְכַסּוֹת אֶת־שְׁתֵּי גֵלַת הַכֶּתֶרֶת אֲשֶׁר  
עַל־פְּנֵי הָעֲמֻדִים: <sup>מג</sup> וְאֶת־הַמְּכֹנֹת עָשָׂר וְאֶת־הַכִּירוֹת  
עֲשָׂרָה עַל־הַמְּכֹנֹת: <sup>מד</sup> וְאֶת־הַיָּם הָאֶחָד וְאֶת־הַבְּקָר  
שְׁנַיִם־עָשָׂר תַּחַת הַיָּם: <sup>מה</sup> וְאֶת־הַסִּירוֹת וְאֶת־הַיַּעֲיָעִים  
וְאֶת־הַמְּזֻרְקוֹת וְאֶת כָּל־הַכְּלִים הָאֵלֶּה אֲשֶׁר עָשָׂה  
חִירָם לַמֶּלֶךְ שְׁלֹמֹה בֵּית יְהוָה נְחֹשֶׁת מְמֹרֵט: <sup>מו</sup> בְּכֹפֶר הַיַּרְדֵּן  
יִצְקָם הַמֶּלֶךְ בְּמַעֲבָה הָאֲדָמָה בֵּין סִכּוֹת וּבֵין צָרְתָן: <sup>מז</sup> וַיִּנַּח

שְׁלֹמֹה אֶת־כָּל־הַכֵּלִים מְרַב מְאֹד מְאֹד לֹא נִחְקַר מִשְׁקַל  
 הַנְּחָשֶׁת: מח וַיַּעַשׂ שְׁלֹמֹה אֶת כָּל־הַכֵּלִים אֲשֶׁר בַּיִת יְהוָה אֶת  
 מִזְבַּח הַזֹּהֵב וְאֶת־הַשְּׁלֶחֶן אֲשֶׁר עָלָיו לֶחֶם הַפָּנִים זֶהב:  
 מט וְאֶת־הַמְּנֹרֹת חֲמִשׁ מִיְּמִין וְחֲמִשׁ מִשְּׂמֹאל לְפָנֵי הַדְּבִיר  
 זֶהב סָגוּר וְהַפָּרַח וְהַנֵּרֹת וְהַמְּלַקְחִים זֶהב: נ וְהַסְּפוֹת  
 וְהַמְּזֻמְרוֹת וְהַמְּזֻרְקוֹת וְהַכַּפּוֹת וְהַמַּחְתּוֹת זֶהב סָגוּר וְהַפְּתוֹת  
 לְדַלְתוֹת הַבַּיִת הַפָּנִימִי לְקֹדֶשׁ הַקֹּדְשִׁים לְדַלְתֵי הַבַּיִת לְהִיכַל  
 זֶהב: נא וְתִשְׁלֵם כָּל־הַמְּלָאכָה אֲשֶׁר עָשָׂה הַמֶּלֶךְ שְׁלֹמֹה בַּיִת  
 יְהוָה וַיָּבֵא שְׁלֹמֹה אֶת־קֹדֶשׁ י וְדָוִד אָבִיו אֶת־הַכֶּסֶף  
 וְאֶת־הַזָּהָב וְאֶת־הַכֵּלִים נָתַן בְּאֲצֻרוֹת בַּיִת יְהוָה:

## ספר "מלכים א" – פרק ח

א אֲזַי יִקְהַל שְׁלֹמֹה אֶת־זִקְנֵי יִשְׂרָאֵל אֶת־כָּל־רָאשֵׁי הַמַּטּוֹת  
 בְּשֵׂאֵי הָאָבוֹת לְבְנֵי יִשְׂרָאֵל אֶל־הַמֶּלֶךְ שְׁלֹמֹה יְרוּשָׁלַם  
 לְהַעֲלוֹת אֶת־אֲרוֹן בְּרִית־יְהוָה מִעִיר דָּוִד הִיא צִיּוֹן:  
 ב וַיִּקְהֲלוּ אֶל־הַמֶּלֶךְ שְׁלֹמֹה כָּל־אִישׁ יִשְׂרָאֵל בִּירַח הָאֲתָנַיִם  
 בַּחֹג הוּא הַחֹדֶשׁ הַשְּׁבִיעִי: ג וַיָּבֹאוּ כָל זִקְנֵי יִשְׂרָאֵל וַיִּשְׂאוּ  
 הַכֶּהֱנָיִם אֶת־הָאֲרוֹן: ד וַיַּעֲלוּ אֶת־אֲרוֹן יְהוָה וְאֶת־אֹהֶל מוֹעֵד

וְאֶת־כָּל־כְּלֵי הַקֹּדֶשׁ אֲשֶׁר בָּאֵהֶל וַיַּעֲלוּ אֹתָם הַכֹּהֲנִים  
וְהַלְוִיִּם: ה וְהַמֶּלֶךְ שְׁלֹמֹה וְכָל־עַדֹת יִשְׂרָאֵל הַנוֹעְדִים עָלָיו  
אָתוּ לְפָנַי הָאָרוֹן מִזִּבְחִים צֹאן וּבָקָר אֲשֶׁר לֹא־יִסְפְּרוּ וְלֹא  
יִמְנוּ מֵרֹב: ו וַיָּבֹאוּ הַכֹּהֲנִים אֶת־אָרוֹן בְּרִית־יְהוָה אֶל־מְקוֹמוֹ  
אֶל־הַבַּיִת הַבֵּית אֶל־קֹדֶשׁ הַקֹּדְשִׁים אֶל־תַּחַת פְּנֵי הַכְּרוּבִים:  
ז כִּי הַכְּרוּבִים פָּרְשִׁים כְּנָפַיִם אֶל־מְקוֹם הָאָרוֹן וַיִּסְכּוּ  
הַכְּרוּבִים עַל־הָאָרוֹן וְעַל־בִּדְיוֹ מִלְמַעְלָה: ח וַיֵּאָרְכוּ הַבַּדִּים  
וַיֵּרְאוּ רְאִשֵׁי הַבַּדִּים מִן־הַקֹּדֶשׁ עַל־פְּנֵי הַדְּבִיר וְלֹא יֵרְאוּ  
הַחוּצָה וַיְהִי שֵׁם עַד הַיּוֹם הַזֶּה: ט אֵין בָּאָרוֹן רַק שְׁנֵי לַחֹת  
הָאֲבָנִים אֲשֶׁר הִנֵּחַ שֵׁם מֹשֶׁה בְּחֹרֵב אֲשֶׁר כָּרַת יְהוָה עִם־בְּנֵי  
יִשְׂרָאֵל בְּצֵאתָם מֵאֶרֶץ מִצְרָיִם: י וַיְהִי בְצֵאת הַכֹּהֲנִים  
מִן־הַקֹּדֶשׁ וְהָעֲנַן מָלֵא אֶת־בֵּית יְהוָה: יא וְלֹא־יָכְלוּ הַכֹּהֲנִים  
לָעֶמֶד לְשָׂרֵת מִפְּנֵי הָעֲנַן כִּי־מָלֵא כְבוֹד־יְהוָה אֶת־בֵּית  
יְהוָה: יב אִזּוֹ אָמַר שְׁלֹמֹה יְהוָה אָמַר לְשָׁכֵן בְּעֶרְפֹּל: יג בָּנָה  
בְּנִיתִי בַּיִת זֶבֶל לָךְ מָכוֹן לְשִׁבְתֶּךָ עוֹלָמִים: יד וַיִּסַּב הַמֶּלֶךְ  
אֶת־פָּנָיו וַיְבָרֶךְ אֵת כָּל־קְהֵל יִשְׂרָאֵל וְכָל־קְהֵל יִשְׂרָאֵל  
עֹמֵד: טו וַיֹּאמֶר בָּרוּךְ יְהוָה אֱלֹהֵי יִשְׂרָאֵל אֲשֶׁר דִּבֶּר בְּפִיו  
אֵת דְּוֹד אָבִי וּבִידּוֹ מָלֵא לֵאמֹר: טז מִן־הַיּוֹם אֲשֶׁר הוֹצֵאתִי

אֶת־עַמִּי יִשְׂרָאֵל מִמִּצְרַיִם לֹא־בַחֲרָתִי בְעִיר מִכָּל שַׁבְּטֵי  
יִשְׂרָאֵל לְבָנוֹת בַּיִת לְהִיּוֹת שְׁמִי שָׁם וְאֶבְחַר בְּדָוִד לְהִיּוֹת  
עַל־עַמִּי יִשְׂרָאֵל: יז וַיְהִי עִם־לֵבב דָּוִד אָבִי לְבָנוֹת בַּיִת לְשֵׁם  
יְהוָה אֱלֹהֵי יִשְׂרָאֵל: יח וַיֹּאמֶר יְהוָה אֶל־דָּוִד אָבִי יַעֲזֹב אֲשֶׁר  
הָיָה עִם־לְבַבְךָ לְבָנוֹת בַּיִת לְשְׁמִי הֵטִיבְתָּ כִּי הָיָה עִם־לְבַבְךָ:  
יט רַק אַתָּה לֹא תִבְנֶה הַבַּיִת כִּי אִם־בְּנֶךָ הֵיצֵא מִחֲלָצֶיךָ  
הוּא־יִבְנֶה הַבַּיִת לְשְׁמִי: כ וַיִּקָּם יְהוָה אֶת־דְּבָרוֹ אֲשֶׁר דִּבֶּר  
וְאָקָם תַּחַת דָּוִד אָבִי וְאֵשֶׁב עַל־כִּסֵּא יִשְׂרָאֵל כַּאֲשֶׁר דִּבֶּר  
יְהוָה וְאֶבְנֶה הַבַּיִת לְשֵׁם יְהוָה אֱלֹהֵי יִשְׂרָאֵל: כא וְאֲשֵׁם שֵׁם  
מָקוֹם לְאָרוֹן אֲשֶׁר־שָׁם בְּרִית יְהוָה אֲשֶׁר כָּרַת עִם־אֲבֹתֵינוּ  
בְּהוֹצִיאוֹ אֶתְכֶם מֵאֶרֶץ מִצְרַיִם: כב וַיַּעֲמֵד שְׁלֹמֹה לְפָנַי מִזְבֵּחַ  
יְהוָה נֹגֵד כָּל־קְהֵל יִשְׂרָאֵל וַיִּפְרֹשׂ כַּפָּיו הַשָּׁמַיִם: כג וַיֹּאמֶר  
יְהוָה אֱלֹהֵי יִשְׂרָאֵל אֵין־כְּמוֹךָ אֱלֹהִים בַּשָּׁמַיִם מִמַּעַל  
וְעַל־הָאָרֶץ מִתַּחַת שֹׁמֵר הַבְּרִית וְהַחֲסֵד לְעַבְדֶּיךָ הַהֹלְכִים  
לְפָנֶיךָ בְּכָל־לְבָבָם: כד אֲשֶׁר שָׁמַרְתָּ לְעַבְדֶּךָ דָּוִד אָבִי אֵת  
אֲשֶׁר־דִּבַּרְתָּ לוֹ וְתִדְבַר בְּפִיךָ וּבִידֶךָ מִלֵּאתָ כִּיּוֹם הַזֶּה:  
כה וְעַתָּה יְהוָה ו אֱלֹהֵי יִשְׂרָאֵל שֹׁמֵר לְעַבְדֶּךָ דָּוִד אָבִי אֵת  
אֲשֶׁר דִּבַּרְתָּ לוֹ לֵאמֹר לֹא־יִכָּרֵת לְךָ אִישׁ מִלְּפָנַי יֹשֵׁב



עַל־כִּסֵּא יִשְׂרָאֵל רַק אִם־יִשְׁמְרוּ בְּנֵיךָ אֶת־דְּרָכָם לִלְכֹת  
לְפָנַי כַּאֲשֶׁר הִלַכְתָּ לְפָנָי: כו וְעַתָּה אֱלֹהֵי יִשְׂרָאֵל יֵאֱמָן נָא  
דְּבַרְיָךָ דְּבָרְךָ אֲשֶׁר דִּבַּרְתָּ לְעַבְדְּךָ דָּוִד אָבִי: כז כִּי הֵאֱמַנָם  
יֵשֵׁב אֱלֹהִים עַל־הָאָרֶץ הִנֵּה הַשָּׁמַיִם וּשְׁמַי הַשָּׁמַיִם לֹא  
יִכְלְפוּךָ אַף כִּי־הֵבִית הִזֵּה אֲשֶׁר בָּנִיתִי: כח וּפָנִיתָ  
אֶל־תְּפִלַּת עַבְדְּךָ וְאֶל־תְּחִנָּתוֹ יְהוָה אֱלֹהֵי לְשִׁמְעֵ אֶל־הַרְנָה  
וְאֶל־הַתְּפִלָּה אֲשֶׁר עַבְדְּךָ מִתְּפִלֵּל לְפָנֶיךָ הַיּוֹם: כט לְהִיּוֹת  
עֵינֶיךָ פְּתֹחַת אֶל־הַבַּיִת הַזֶּה לִילָה וַיּוֹם אֶל־הַמָּקוֹם אֲשֶׁר  
אָמַרְתָּ יְהוָה שְׁמִי שָׁם לְשִׁמְעֵ אֶל־הַתְּפִלָּה אֲשֶׁר יִתְּפִלֵּל  
עַבְדְּךָ אֶל־הַמָּקוֹם הַזֶּה: ל וְשִׁמְעֵתָ אֶל־תְּחִנַּת עַבְדְּךָ וְעַמְּךָ  
יִשְׂרָאֵל אֲשֶׁר יִתְּפִלְלוּ אֶל־הַמָּקוֹם הַזֶּה וְאַתָּה תִשְׁמַע  
אֶל־מְקוֹם שְׁבִתְךָ אֶל־הַשָּׁמַיִם וְשִׁמְעֵתָ וְסִלַּחְתָּ: לא אֵת אֲשֶׁר  
יַחֲטֵא אִישׁ לְרַעְהוֹ וְנִשְׁאַ־בוּ אָלֶּה לְהֵאֲלֹתוֹ וּבֹא אֱלֹה לְפָנַי  
מִזְבִּיחְךָ בַּבַּיִת הַזֶּה: לב וְאַתָּה ׀ תִּשְׁמַע הַשָּׁמַיִם וְעָשִׂיתָ וּשְׁפֹטָתָ  
אֶת־עַבְדֶּיךָ לְהַרְשִׁיעַ רָשָׁע לָתֵת דְּרָכּוֹ בְּרֹאשׁוֹ וּלְהַצְדִּיק  
צְדִיק לָתֵת לוֹ כְּצִדְקָתוֹ: לג בְּהִנָּגְךָ עַמְּךָ יִשְׂרָאֵל לְפָנַי אוֹיֵב  
אֲשֶׁר יַחֲטֵאוּ־לְךָ וְשָׁבוּ אֵלֶיךָ וְהוֹדוּ אֶת־שִׁמְךָ וְהִתְּפִלְלוּ  
וְהִתְּחַנְּנוּ אֵלֶיךָ בַּבַּיִת הַזֶּה: לד וְאַתָּה תִשְׁמַע הַשָּׁמַיִם וְסִלַּחְתָּ

לְחַטָּאת עִמָּךְ יִשְׂרָאֵל וְהִשְׁבַּתְתָּם אֶל־הָאֲדָמָה אֲשֶׁר נָתַתָּ  
לְאֲבוֹתָם: <sup>לה</sup> בְּהֶעָצֵר שָׁמַיִם וְלֹא־יִהְיֶה מָטָר כִּי יַחְטְאוּ־לָךְ  
וְהִתְפַּלְּלוּ אֶל־הַמָּקוֹם הַזֶּה וְהוֹדוּ אֶת־שִׁמְךָ וּמִחַטָּאתָם יִשׁוּבוּן  
כִּי תִעַנֶּם: <sup>לו</sup> וְאַתָּה ׀ תִּשְׁמַע הַשָּׁמַיִם וְסַלַּחְתָּ לְחַטָּאת עֲבָדֶיךָ  
וְעִמָּךְ יִשְׂרָאֵל כִּי תוֹרַם אֶת־הַדֶּרֶךְ הַטּוֹבָה אֲשֶׁר יִלְכוּ־בָהּ  
וְנָתַתָּה מָטָר עַל־אֲרָצְךָ אֲשֶׁר־נָתַתָּה לְעַמְּךָ לְנַחֲלָה: <sup>לז</sup> רָעַב  
כִּי־יִהְיֶה בְּאֶרֶץ דְּבַר כִּי־יִהְיֶה שְׂדֵפוֹן יִרְקוֹן אֲרָבָה חָסִיל כִּי  
יִהְיֶה כִּי יֵצֵר־לוֹ אִיבוֹ בְּאֶרֶץ שְׁעָרָיו כָּל־נֶגַע כָּל־מַחֲלָה:  
<sup>לח</sup> כָּל־תְּפִלָּה כָּל־תְּחִנָּה אֲשֶׁר תַּהְיֶה לְכָל־הָאָדָם לְכָל עַמְּךָ  
יִשְׂרָאֵל אֲשֶׁר יִדְעוּן אִישׁ נֶגַע לְבָבוֹ וּפְרַשׁ כַּפָּיו אֶל־הַבַּיִת  
הַזֶּה: <sup>לט</sup> וְאַתָּה תִשְׁמַע הַשָּׁמַיִם מִכּוֹן שַׁבָּתְךָ וְסַלַּחְתָּ וְעָשִׂיתָ  
וְנָתַתָּ לְאִישׁ כָּכָל־דְּרָכָיו אֲשֶׁר תִּדַע אֶת־לְבָבוֹ כִּי־אַתָּה  
יִדְעַתָּ לְבַדְּךָ אֶת־לִבְבֵי כָל־בְּנֵי הָאָדָם: <sup>מ</sup> לְמַעַן יֵרְאוּךָ  
כָּל־הַיָּמִים אֲשֶׁר־הֵם חַיִּים עַל־פְּנֵי הָאֲדָמָה אֲשֶׁר נָתַתָּה  
לְאֲבֹתֵינוּ: <sup>מא</sup> וְגַם אֶל־הַנְּכָרִי אֲשֶׁר לֹא־מֵעַמְּךָ יִשְׂרָאֵל הוּא  
וּבֹא מֵאֶרֶץ רְחוֹקָה לְמַעַן שְׁמֹךְ: <sup>מב</sup> כִּי יִשְׁמְעוּן אֶת־שִׁמְךָ  
הַגָּדוֹל וְאֶת־יָדְךָ הַחֲזָקָה וְיִזְרְעוּךָ הַנְּטוּיָה וּבֹא וְהִתְפַּלְּלֵל  
אֶל־הַבַּיִת הַזֶּה: <sup>מג</sup> אַתָּה תִשְׁמַע הַשָּׁמַיִם מִכּוֹן שַׁבָּתְךָ וְעָשִׂיתָ

כָּכֹל אֲשֶׁר-יִקְרָא אֵלַיךָ הַנִּכְרִי לְמַעַן יִדְעוּן כָּל-עַמֵּי הָאָרֶץ  
אֶת-שְׁמֶךָ לִירְאָה אֶתְךָ כְּעַמְּךָ יִשְׂרָאֵל וְלִדְעַת כִּי-שְׁמֶךָ  
נִקְרָא עַל-הַבַּיִת הַזֶּה אֲשֶׁר בָּנִיתִי: <sup>מז</sup> כִּי-יֵצֵא עַמְּךָ לְמַלְחָמָה  
עַל-אֹיְבוֹ בַדֶּרֶךְ אֲשֶׁר תִּשְׁלַחם וְהִתְפַּלְלוּ אֶל-יְהוָה דֶּרֶךְ הָעִיר  
אֲשֶׁר בַּחֲרָתָ בָּהּ וְהַבַּיִת אֲשֶׁר-בָּנִיתִי לְשִׁמְךָ: <sup>מה</sup> וְשָׁמַעְתָּ  
הַשָּׁמַיִם אֶת-תְּפִלָּתָם וְאֶת-תְּחִנָּתָם וְעָשִׂיתָ מִשְׁפָּטִים: <sup>מו</sup> כִּי  
יַחְטְאוּ-לָךְ כִּי אֵין אָדָם אֲשֶׁר לֹא-יַחְטָא וְאַנְפֹּת בָּם וְנִתַּתָּם  
לְפָנַי אֹיֵב וְשָׁבוּם שָׁבִיָּהֶם אֶל-אָרֶץ הָאֹיֵב רְחוֹקָה אוֹ  
קְרוֹבָה: <sup>מז</sup> וְהִשִּׁיבוּ אֶל-לִבָּם בְּאָרֶץ אֲשֶׁר נִשְׁבוּ-שָׁם וְשָׁבוּ ו  
וְהִתְחַנְּנוּ אֵלַיךָ בְּאָרֶץ שָׁבִיָּהֶם לֵאמֹר חָטְאנוּ וְהֶעֱוִינוּ רָשָׁעֵנוּ:  
<sup>מח</sup> וְשָׁבוּ אֵלַיךָ בְּכָל-לִבָּבָם וּבְכָל-נַפְשָׁם בְּאָרֶץ אֲבִיָּהֶם  
אֲשֶׁר-שָׁבוּ אִתָּם וְהִתְפַּלְלוּ אֵלַיךָ דֶּרֶךְ אֶרֶץ אֲשֶׁר-נִתַּתָּה  
לְאֲבוֹתָם הָעִיר אֲשֶׁר בַּחֲרָתָ וְהַבַּיִת אֲשֶׁר-בָּנִיתִי לְשִׁמְךָ:  
<sup>מט</sup> וְשָׁמַעְתָּ הַשָּׁמַיִם מְכוֹן שַׁבְּתֶךָ אֶת-תְּחִנָּתָם וְאֶת-תְּחִנָּתָם  
וְעָשִׂיתָ מִשְׁפָּטִים: <sup>נ</sup> וְסִלַּחְתָּ לְעַמְּךָ אֲשֶׁר חָטְאוּ-לָךְ  
וּלְכָל-פֹּשְׁעֵיהֶם אֲשֶׁר פָּשְׁעוּ-בְךָ וְנִתַּתָּם לְרַחֲמִים לְפָנַי  
שָׁבִיָּהֶם וְרַחֲמוּם: <sup>נא</sup> כִּי-עַמְּךָ וְנִחַלְתֶּךָ הֵם אֲשֶׁר הוֹצֵאתָ  
מִמִּצְרַיִם מִתּוֹךְ כּוּר הַבְּרָזֵל: <sup>נב</sup> לְהִיּוֹת עֵינֶיךָ פְּתֻחוֹת

אֶל־תַּחֲנַת עַבְדְּךָ וְאֶל־תַּחֲנַת עַמֶּךָ יִשְׂרָאֵל לְשִׁמְעַ אֲלֵיהֶם  
בְּכָל קָרָאם אֲלֵיךָ: <sup>נג</sup> כִּי־אֲתָה הַבְּדִלְתָּם לָךְ לְנַחֲלָה מִכָּל  
עַמֵּי הָאָרֶץ כַּאֲשֶׁר דִּבַּרְתָּ בְּיַד ׀ מֹשֶׁה עַבְדְּךָ בְּהוֹצִיאֶךָ  
אֶת־אֲבֹתֵינוּ מִמִּצְרַיִם אֲדֹנָי יְהוָה: <sup>נד</sup> וַיְהִי ׀ כְּכֹלֹת שְׁלֹמֹה  
לְהַתְּפִיל אֶל־יְהוָה אֵת כָּל־הַתְּפִלָּה וְהַתַּחֲנָה הַזֹּאת קָם  
מִלְּפָנָי מִזִּבְחַ יְהוָה מִכְרַעַ עַל־בְּרַכָּיו וְכַפָּיו פָּרְשׂוֹת הַשָּׁמַיִם:  
<sup>נה</sup> וַיַּעֲמֵד וַיְבָרֶךְ אֵת כָּל־קְהַל יִשְׂרָאֵל קוֹל גָּדוֹל לֵאמֹר:  
<sup>נו</sup> בָּרוּךְ יְהוָה אֲשֶׁר נָתַן מְנוּחָה לְעַמּוֹ יִשְׂרָאֵל כְּכֹל אֲשֶׁר דִּבַּר  
לֹא־נִפְל דָּבָר אֶחָד מִכָּל דְּבָרוֹ הַטּוֹב אֲשֶׁר דִּבַּר בְּיַד מֹשֶׁה  
עַבְדּוֹ: <sup>נד</sup> יְהִי יְהוָה אֱלֹהֵינוּ עִמָּנוּ כַּאֲשֶׁר הָיָה עִם־אֲבֹתֵינוּ  
אֶל־יַעֲזֹבֵנוּ וְאֶל־יִטְשֵׁנוּ: <sup>נה</sup> לְהַטּוֹת לְבַבְנוּ אֵלָיו לְלַכֵּת  
בְּכָל־דַּרְכָּיו וּלְשָׁמֵר מִצְוֹתָיו וַחֲקָיו וּמִשְׁפָּטָיו אֲשֶׁר צִוָּה  
אֶת־אֲבֹתֵינוּ: <sup>נט</sup> וַיְהִיו דְּבַרֵי אֱלֹהֵי אֲשֶׁר הַתַּחֲנַנְתִּי לְפָנָי יְהוָה  
קָרְבִים אֶל־יְהוָה אֱלֹהֵינוּ יוֹמָם וְלַיְלָה לַעֲשׂוֹת ׀ מִשְׁפָּט עַבְדּוֹ  
וּמִשְׁפָּט עַמּוֹ יִשְׂרָאֵל דְּבַר־יוֹם בְּיוֹמוֹ: ׀ לְמַעַן דַּעַת כָּל־עַמֵּי  
הָאָרֶץ כִּי יְהוָה הוּא הָאֱלֹהִים אֵין עוֹד: <sup>סא</sup> וְהָיָה לְבַבְכֶם שָׁלֵם  
עִם יְהוָה אֱלֹהֵינוּ לְלַכֵּת בְּחֻקָּיו וּלְשָׁמֵר מִצְוֹתָיו כִּיֹּם הַזֶּה:  
<sup>סב</sup> וְהַמֶּלֶךְ וְכָל־יִשְׂרָאֵל עִמּוֹ זִבְחִים זִבַּח לְפָנָי יְהוָה: <sup>סג</sup> וַיִּזְבַּח

שְׁלֹמֹה אֶת זִבְחַ הַשְּׁלָמִים אֲשֶׁר זָבַח לַיהוָה בַּקָּר עֲשָׂרִים  
 וּשְׁנַיִם אֶלֶף וּצְאֵן מֵאָה וְעֲשָׂרִים אֶלֶף וַיַּחֲנֹכוּ אֶת־בֵּית יְהוָה  
 הַמֶּלֶךְ וְכָל־בְּנֵי יִשְׂרָאֵל: <sup>סד</sup> בַּיּוֹם הַהוּא קִדַּשׁ הַמֶּלֶךְ אֶת־תּוֹךְ  
 הַחֲצַר אֲשֶׁר לְפָנָי בֵּית־יְהוָה כִּי־עָשָׂה שֵׁם אֶת־הָעֹלָה  
 וְאֶת־הַמִּנְחָה וְאֶת חֲלָבֵי הַשְּׁלָמִים כִּי־מִזְבַּח הַנְּחֹשֶׁת אֲשֶׁר  
 לְפָנָי יְהוָה קָטַן מֵהַכִּיל אֶת־הָעֹלָה וְאֶת־הַמִּנְחָה וְאֶת חֲלָבֵי  
 הַשְּׁלָמִים: <sup>סה</sup> וַיַּעַשׂ שְׁלֹמֹה בְּעֵת־הַהִיא ׀ אֶת־הַחֹג  
 וְכָל־יִשְׂרָאֵל עָמּוּ קָהָל גָּדוֹל מְלִבּוֹא חֶמֶת ׀ עַד־נַחַל מִצְרַיִם  
 לְפָנָי יְהוָה אֱלֹהֵינוּ שִׁבְעַת יָמִים וְשִׁבְעַת יָמִים אַרְבַּעַת עָשָׂר  
 יוֹם: <sup>סו</sup> בַּיּוֹם הַשְּׁמִינִי שִׁלַּח אֶת־הָעָם וַיְבָרְכוּ אֶת־הַמֶּלֶךְ  
 וַיֵּלְכוּ לְאַהֲלֵיהֶם שְׂמֵחִים וְטוֹבֵי לֵב עַל כָּל־הַטּוֹבָה אֲשֶׁר  
 עָשָׂה יְהוָה לְדָוִד עַבְדּוֹ וּלְיִשְׂרָאֵל עַמּוֹ:



הנה מובא כאן לימוד ספרי נביאים וכתובים מחולק לכל השנה, שני פרקים ליום, כך יגמור כל ספרי נ"ך במעגל השנה – נא לפרסם בבתי כנסיות ובבתי מדרשות, ובשמחות, ולכל החברים וידידים, לזכות את הרבים לפרסם לימוד ספרי נ"ך המחולק בכל תפוצות ישראל, וכל המזכה את הרבים זוכה לבנים צדיקים, ואין חטא בא על ידו.

**והגית בו יומם ולילה כ"ד ספרים נגד כ"ד שעות ביום ובלילה.** (ספר הקדוש "דזיאל המלאך")  
**כ"ד ספרי המקרא הם עליו מליצי יושר, כמנין וחי, נוטריי ויתבוננו ח'סדי 'קו"ק.** (הרמ"ע מפאנו)  
 וכמשמרות נטועים א"ר ברכיה הכהן ברבי כמשמרות כתיב ואנו קורין מסמרות לומר לך מה משמרות כהונה כ"ד אף ספרי תורה כ"ד ד"א למה כתיב כמשמרות ואנו קורין מסמרות ללמדך שאם קבעת אותם כמסמר בלבבך הם משמרין אותך. (מדרש תנחומא בהעלותך פרק טו)